

REPUBLIKA E SHQIPËRISË
AGJENCIA PËR MBËSHTETJEN E SHOQËRISË CIVILE

Nr. 24 Prot.

Tiranë më 15 / 4 /2015

Proces-verbal

Mbledhja e Bordit Mbikqyrës të AMSHC-së

Sot, në datën 15.1.2015 në orën 12.00, në ambientet e përkohshme të Agjencisë për Mbështetjen e Shoqërisë Civile (AMSHC) u mbajt mbledhja e radhës e Bordit Mbikqyrës të AMSHC-së. Rendi i ditës sipas njoftimit paraprak të Kryetarit të Bordit parashkonte:

1. Diskutim rreth mekanizmave të bashkëfinancimit dhe donatorëve prioritarë për AMSHC-në në përmbushjen e misionit të saj dhe arritjes së objektivave.
2. Diskutim rreth prioriteteve të Thirrjes për vitin 2015, duke konsideruar prioritetet e parashikuara me ligj dhe Vendimin e Bordit për të destinuar të paktën 20 % të buxhetit për bashkëfinancim të projekteve të financuara nga donator të rëndësishëm (BE, USAID etj). Pas diskutimit, miratimi i thirrjes 2015 dhe publikimi i saj.
3. Kryetari i Bordit propozon nismën për një vlerësim analitik, teorik dhe në zbatim të ligjit të AMSHC-së, ngritjen e një grupi pune që do propozojë ndryshimet eventuale që duhen bërë për të garantuar kryerjen e misionit dhe qëllimit për të cilin AMSHC është konstituuar si propozim dhe interes të prezantuar edhe nga disa organizata të shoqërisë civile.
4. Të tjera

Verifikohet prania e Drejtorit Ekzekutiv të AMSHC-së z. Andi Kananaj, si edhe anëtarëve si më poshtë:

1. Z. Adrian THANO
2. Z. Ismail ADEMI
3. Z. Alban DUDUSHI
4. Znj. Kozara KATI
5. Z. Gelardina Prodani

Kryetari i BM, Z. Thano, deklaron se hapur mbledhjen rreth orës 12:00 të mesditës.

Ai propozon lidhur me pikën 1 të rendit të ditës organizimin e një procesi konsultativ me OJF- të para shpalljes së Thirrjes dhe vetëm pas këtij procesi, miratimin e thirrjes 2015 dhe publikimin e saj.

Në fjalën e tij hyrëse ai vijon duke u shprehur:

Z. Ardian Thano: “Duke pasuar parasysh rendin e ditës për këtë mbledhje si edhe në lidhje me shpalljen e Thirrjes së radhës unë sugjeroj që të përcaktojmë një afat kohor prej afërsisht 10 (dhjetë) ditësh me qëllim konsultimin rreth prioriteteve të Thirrjes së ardhshme. Për mënyrën se si do të realizohet ky process konsultimi, për formën dhe vendinë takimit por jo vetëm mund të diskutojmë dhe të japim sugjerime së bashku.”

Znj. Kozara Kati : “Sugjeroj që së pari të bëhet një listim i prioriteteve të qeverisë. “

Znj. Gelardina Prodani: “Jam dakord me listimin e prioriteteve qeveritare dhe mendoj se duhen listuar fushat prioritare ku mendohet se ka nevojë për ide dhe konsultim dhe këto fusha mund të lihen si një dritare e hapur për marrje mendimi.”

Z. Andi Kananaj, Drejtori Ekzekutiv i AMSHC-së u shpreh: “Jam dakord me sa u tha më sipër. Gjithashtu doja të raportoja se pritet të kemi një bashkëpunim të frytshëm mes TACSO (Technical Assistance for Civil Society Organisations), program i BE-së dhe AMSHC-së. Jemi gjithashtu në përfundim të dokumentit RoadMap dhe si fazë përmbyllëse pritet që eksperti kroat të ofrojë asistencën e tij të vyer për AMSHC-në”

Znj. Gelardina Prodani: “Ku konsiston RoadMap konkretisht?”

Z. Andi Kananaj u përgjigj: “RoadMap është një dokument i cili do të përafrojë politikat e qeverisë shqiptare drejt një ambient më mundësues dhe të favorshëm për zhvillimin e shoqërisë civile. Është një përmbledhje e fushave prioritare dhe propozim për një plan veprimi si edhe një strategji afatshkurtë, afatmesme, por edhe afatgjatë. Jemi duke bashkëpunuar ngushtë me Grupin e Larte Teknik të Punës dhe mbasi të kemi përfituar rezultatet përmbyllëse do të mirepresim ekspertizën kroate. Ky dokument i rëndësishëm për shoqërinë civile do të sigurojë më shumë fonde për AMSHC-në në të radhmen.”

Z. Ismail Ademi shtoi: “ Përsa i përket strategjisë për integrim në kapitullin për shoqërinë civile shkruhet që AMSHC dhe Ministria e Integrimit European duhet të punojnë për të harmonizuar legjislacionin përkatës dhe në këtë pikë janë dhënë edhe këshilla për RoadMap. Përsa i përket sugjerimit për një process konsultimi lidhur me prioritetet shpre dakordësinë time me lënin e një afati kohor dhe sugjeroj që të kemi një adresë online ku të dërgohen propozime, mendime lidhur me prioritetet.”

Z. Andi Kananaj u shpreh në vijimësi: “Po jam dakord që të ketë një process konsultativ me shoqërinë civile dhe më pas, bazuar në feedback-un e marrë nga ky process, të lëmë një takim për të diskutuar dhe miratuar prioritetet. AMSHC ka bërë një vlerësim paraprak të OJF-ve dhe bazuar në këtë vlerësim sugjerojmë që të ketë Thirrje të ndara veçmas sipas fushave dhe temtikave.”

Z. Adrian Thano pyeti: “Atëherë a mendoni se dhjetë ditë janë të mjaftueshme për këtë process?”

Znj. Kozara Kati u shpreh: “Sugjeroj që të lëmë rreth dy janë.”

Z. Andi Kananaj: “Gjatë kësaj kohe do të mbledhim , sugjerime, propozime rreth prioriteteve dhe pastaj do t’ua paraqesim juve”.

Znj. Kozara Kati: “Ne sigurisht do të vlerësojmë ato prioritete të cilat në radhë të parë i parashikon vetë ligji.”

Z. Adrian Thano: “Sugjeroj që të lajmërojmë OJF-të dhe të presim propozime. Të zhvillojmë një takim final konsultativ me pjesëmarrje të gjerë. Bordi ka bërë përpjekje për rritjen e transparencës me një institucion që dikur as që njihej masivisht. Mendoj se duhet të vijojmë në këtë rrugë.”

Znj. Kozara Kati: “Dhe çdo informacion, e dhënë ose njoftim të publikohet edhe online.”

Z. Adrian Thano: “Atëherë sugjeroj që nga dita e sotme datë 15.1.2015 të shpallim të hapur procesin e konsultimeve dhe deri në datë 30.1.2015. Data 26.1.2015 të përcaktohet si datë kur do të zhvillohet takimi konsultativ me OJF-të dhe rreth një javë më vonë, në datë 2.2.2015 të zhvillojmë mbledhjen e radhës me Bordin Ekzekutiv të AMSHC-së ku do të paraqiten dhe do të diskutohen të dhënat dhe feedback-u i dalë nga procesi në fjalë si edhe të shpallim thirrjen.”

Të gjithë anëtarët e tjerë në këtë mbledhje shprehën miratimin e tyre për sugjerimin e Kryetarit të Bordit të AMSHC-së.

Më pas në vijimësi të mbledhjes Kryetarit të Bordit të AMSHC-së, z. Adrian Thano vazhdoi me një propozim. Ai u shpreh: “Unë dhe znj. Kozara kemi një propozim që ka të bëjë me ngritjen e një grupi pune për të zgjidhur përplasjet që ka ligji aktual i AMSHC-së me ligjin për nëpunësin civil.”

Znj. Gelardina Prodani tha: “Ka një interpretim të ligjit në këtë rast.”

Znj. Kozara Kati u shpreh: “Sugjeroj që ligjit për AMSHC-në t’i bëjmë një vlerësim në aspektin e kryerjes së misionit dhe qëllimit të AMSHC-së. Ky vlerësim mund të jetë në formën e një konsulte të brendshme dhe të realizohet nga një grup i brendshëm pune i AMSHC-së, por mund të ketë edhe përfaqësues të jashtëm si për shembull dy ekspertë ligjorë.”

Z. Ismail Ademi vazhdoi: “Unë sugjeroj që të presim përfundimin e RoadMap dhe më pas të ngrejmë grupin e punës të cilin ju sugjeroni, dhe ky grup pune mund të jetë edhe një grup i muksuar si me ekspertë të brendshëm edhe të jashtëm gjithashtu.”

Anëtarët e tjerë të pranishëm në këtë mbledhje shprehën dakordësinë e tyre lidhur me sugjerimet e mësipërme.

Pas kësaj, Kryetari i Bordit thotë se dëshiron që anëtarët të dëgjojnë dhe më pas të diskutojnë një prezantim të Drejtorit Ekzekutiv të AMSHC-së lidhur me dy propozime mbi mundësinë e bashkëfinancimit të fondit prej 20%.

Z. Andi Kananaj, Drejtori Ekzekutiv i AMSHC-së raportoi për çështjen në fjalë duke thënë: “Lidhur me 20% i cili përbën shumën e fondit të lënë për bashkëfinancim, kemi pasur dy propozime. Propozimi i parë lidhet me mundësinë e bashkëpunimit me REK –un për të bashkëfinancuar një projekt për ambientin, ndërsa propozimi i dytë lidhet me mundësinë e bashkëpunimit me një projekt të qeverisë slovene që ka të bëjë me një projekt për ambientin në qytetin e Korçës.”

Z. Isamil Ademi u shpreh: “Duke vlerësuar rëndësinë e bashkë-financimit dhe duke i mëshuar faktit që është prioritar që 20%-shi t’i dedikohet projekteve me bashkë-financim, unë mendoj se është shumë e rëndësishme gjithashtu që të përqendrohemi te mundësitë e bashkëpunimit me donatorët e

mëdhenj (si për shembull Bashkimi Evropian, USAID, UNDP etj.) që janë parësorë në të gjitha nivelet e bashkëpunimit si qeveritarë ashtu edhe privat.”

Znj. Kozara Kati vazhdoi: “Në rastet e bashkëpunimeve dhe bashkë-financimit me donator të mëdhenj si edhe me projekte të financuara nga BE, vizibiliteti bëhet më i dukshëm dhe partneriteti fiton më shumë kredite.”

Z. Ismail Ademi tha: “Lidhur me këtë çështje ju kujtoj se AMSHC nuk është e detyruar që të akordojë gjithë shumën e fondit prej 20% të caktuar për bashkëfinancim. AMSHC mund të zgjedhë që të ndajë këtë fond në dy ose më shumë pjesë në varësi të projekteve që do të propozohen për bashkë-financim dhe mund të japë një pjesë të këtij fondi.”

Drejtori Ekzekutiv i AMSHC-së, *z. Andi Kananaj* pyeti: “Si do të veprojë AMSHC-ja në rast se ngelet një shumë lekësh nga ky fond?”

Z. Ismail Ademi u përgjigj: “Sugjeroj që të bëjmë një vlerësim më të qartë duke e lenë si mundësi pasi mund të kemi edhe ndonjë projekt të mëvonshëm.”

Z. Adrian Thano, kretari i Bordit Mbikqyrës të AMSHC-së pyeti: “Si mendoni ta zhvillojmë procesin e aplikimeve për këtë rast?”

Drejtori Ekzekutiv i AMSHC-së u përgjigj: “Si rregull bëhet shpallje për Thirrje për të gjitha organizatat që kanë përfituar nga fondet e BE-së dhe ato mund të aplikojnë për 20% të bashkë-financimit. Pas përzgjedhjes që do të bëhet nga AMSHC, do t’i kalohen propozimet për miratim Bordit Mbikqyrës. Në këtë rast propozoj miratimin nga ana juaj që rekrutimi i stafit të realizohet sipas nevojës nga Titullari, sipas legjislacionit.”

Në vijimësi Kryetari i Bordit Mbikqyrës të AMSHC-së bëri edhe njëherë më dije çështjet kryesore të trajtuara në këtë mbledhje të cilat ishin:

1. Përcaktimi i një afati kohor për të realizuar një process konsultativ me OJF-të me qëllim marrjen e feedback-ut lidhur me fushat prioritare të Thirrjes së radhës të cilat duhet të jenë konform prioriteteve qeveritare.
2. Ky afat kohor do të jetë i hapur nga data 15.1.2015 deri në datë 30.1.2015.
3. Në datë 26.1.2015 (pothuajse në përfundim të procesit) do të zhvillohet takimi i madh konsultativ me OJF-të.
4. Në datë 2.2.2015 do të zhvillohet takimi i radhës me Bordin Mbikqyrës të AMSHC ku do të paraqiten rezultatet dhe të dhënat e nxjerra nga ky process si edhe do të miratohen prioritetet e Thirrjes së radhës.
5. Ngritja e një grupi pune i përbërë nga punonjësit e stafit të AMSHC-së i cili do të jetë përgjegjës për mbarëvajtjen e procesit konsultativ.
6. Autorizimi i Drejtorit Ekzekutiv për rekrutim të stafit

Mbledhja u mbyll rreth orës 14:30.

Anëtarët e Bordit Mbikqyrës të AMSHC-së të pranishëm në këtë mbledhje, ranë dakord për pikat e diskutuara dhe firmosën në përfundim të mbledhjes.

TIRANE



REPUBLIKA E SHQIPERISE
Agjencia per Mbeshtetjen e Shoqerise Civile

Bordi Mbikqyrës i AMSHC-së

Adrian Thano
Kryetar i Bordit Mbikqyrës

Majlinda Dhuka
Nënkryetare e Bordit Mbikqyrës

Alban Dudushi
Anëtar

Albana Koçiu
Anëtare

Aldo Merkoçi
Anëtar

Endri Fuga
Anëtar

Gelardina Prodani
Anëtare

Ismail Ademi
Anëtar

Kozara Kati
Anëtare

Dt 15 / 1 / 2015

